

Fakàna ny Hevitra ny Mpiara-miombon'antoka ho an'ny Hetsika Tetikasa An-tsitrapo

Fanomezana Fatana Madio miaraka amin'ny Fandrehitra Fonjanaina azo Havaozina

Fikambanana Nanomboka & Mpifarimbona

SaniTap dia orinasa mitondra fiantraika miorina any UK. Ny irany dia ny hahazoana antoka fa ny olona rehetra dia mahazo rano madio na inona na inona toetr'andro sy fanadiovana ary angovo fandrahoana sakafo maharitra manoloana ny fiovan'ny toetr'andro. Ny iraky ny fikambanana dia ny hampihatra modely ara-barotra azo aparitaka izay manome tolotra WASH azo ianteherana sy takatry ny fahefa-mividy ary fisitrahana tolotrana angovo madio fandrahoana sakafo mora ampiasaina sy maoderina ho an'ny mponina eny ambanivohitra sy an-tanàn-dehibe, amin'ny alàlan'ny fanavaozana ny teknolojia, ny rafitra famatsiam-bola vaovao ary fiaraha-miasa fanatanterahana hatrany amin'ny kilaometatra farany (PPP). Tafiditra ao anatin'izany ny fampiasana ny tsenan'ny karbaona.

Toetry ny Fandaharan'asa

Eto Madagasikara, ny SaniTap dia manoso-kevitra ny hananganana Hetsika Tetikasa An-tsitrapo (VPA) maromaro ao anatin'ny 'Fandaharan'asan'ny Hetsika' (PoA) mitondra ny lohateny hoe 'Rano Madio Fandrahoana Madio Madagasikara'. Ny Hetsika Tetikasa An-tsitrapo dia hampiasa ny fomba fiasa 'Fampihenana ny Entona Manimba avy amin'ny Rano Fisotro Azo Antoka' izay an'ny Gold Standard for the Global Goals (fenitra volamena ho an'ny tanjona maneran-tany). Ireo tetik'asa ireo dia hampihena ny tsindry amin'ny tontolo iainana sy hampihena ny entona mangeja hafanana, ary etsy andaniny dia hamorona tombontsoa ara-pahasalamana, amin'ny fahazoana aina ary ara-toekarena ho an'ny mpampiasa farany. Ny VPA tanterahana ao anatin'ity PoA ity dia antenaina hatomboka manomboka amin'ny fiandohan'ny taona 2024 ary mety haharitra mandritra ny fe-potoana fampindramam-bola 5 taona in-telo (izany hoe 15 taona ny fitambarany). SaniTap dia mikasa ny hanoratra ny anarana ireo VPA amin'ny alalan'ny fiantomorana 'Manome Lanja ny Miralenta'.

Fanoritsoritana ny Tetikasa

Ny VPA natolotra dia hanatanteraka ny famokarana potipotika fonjanaina avy amin'ny akora fototra maharitra, natao hampiasaina amin'ny fatana maoderina sy madio firehitra, natao ho azon'ny mpampiasa azy ampiasaina amin'ny sarany mitovy na latsaky ny saran'ny fandrehitra misy (arina) sy ireo teknôlôjian'ny fatana fandrahoana.

Mampiasa saribao ny olona rehefa mahandro any amin'ny ankamaroan'ny tanàn-dehibe. Ity fandrehitra ity dia matetika novokarina avy amin'ny loharano tsy maharitra, amin'ny fampiasana teknika tsy mahomby izay mandripaka hazo (ny tahan'ny fivadiany ho angovo ~ 10%, midika izany fa hazo folo kilao no takiana mba hamokarana saribao iray kilao fotsiny). Matetika, ny saribao dia arehitra amin'ny fatana mahazatra (fatapera) izay tsy mahomby ihany koa – izay midika fa mandany saribao betsaka kokoa izy ireny noho ny fatana mandaitra (lafo kokoa). Ny fatana toy izany koa dia mitera-tsetroka ary miteraka fahalotoan'ny rivotra ao anaty trano, izay miteraka homamiadana sy aretina hafa. Ny toekaren'ny fandrahoana sakafo amin'izao fotoana izao dia mitaky fahatapahan-kazo betsaka isan'andro, mba hamatsiana saribao ny tanàna eto Madagasikara. Izany dia manampy amin'ny fandripahana ala ary mamoka entona mangeja hafanana izay mampitombo ny fiovaovan'ny toetr'andro.



Isan'andro dia misy saribao tsy misy fiafarany miditra amin'ny tanàna rehetra eto Madagasikara. Ny kitapo tsirairay misy saribao dia maneho hazo folo farafahakeliny - ny ankamaroany dia avy amin'ny ala sarobidy.

Indrisy anefa fa lafo loatra na tsy azon'ny ankamaroan'ny olona sitrahana ny fomba fandrahoana hafa toy ny entona LPG na herinaratra. Na izany aza, tato anatin'ny taona vitsivitsy dia nanomboka nisy fatana fandrahoana mitsitsy fandrehitra tsotsotra izay afaka mandoro akora fandrehitra vita amin'ny fonjanaina hazo. Ny fatana toy izany dia voarehitra ao anatin'ny iray na roa minitra monja, ary madio firehitra: faran'izay kely ny rivotra maloto ao an-trano. Raha avy amin'ny loharano azo havaozina ny akora fandrehitra, dia tsy mandray anjara amin'ny fandripahana ala na famoahana entona mangeja hafanana intsony ny fampiasana ny fatana. Amin'ny ankapobeny, kely lavitra koa ny habetsahan'ny kitay (azo avy amin'ny loharano maharitra), izay avo folo heny eo ho eo, satria voasoroka ny dingan'ny fandorana feno fandaniam-poana.

Ity tetikasa ity dia mikasa ny hanangana toeram-pamokarana akora fandrehitra, amin'ny fampiasana hazo izay azo avy amin'ny loharano maharitra. Homena fatana madio firehitra sy mandaitra fandro akora fandrehitra ny tokantrano, izay afaka mividy akora fandrehitra amin'ny vidiny mirary, na ambany noho ny saribao. Mandritra izany fotoana izany, ireo mpamokatra saribao efa misy dia hampirihina hamboly sy/na hanangona ireo loharanon-kazo maharitra efa misy, ka hanome azy ireo fidiram-bola azo ampitahaina amin'ny asa tsy dia ilaina hery be loatra noho ny famokarana saribao mahazatra.

Ny VPA dia mikendry tokantrano 20.000 ao an-tanànan'i Fort Dauphin, alohan'ny hamerenana sy hanitarana azy any amin'ny faritra an-tanàn-dehibe hafa. Ny crédit karbaonina azo amin'ny alalan'ny fisorohana famoahana entona manimba dia hampiasaina amin'ny famatsiana ara-bola ny famokarana ny fatana sy ny akora fandrehitra. Amin'izany fomba izany, hisy tombontsoa lehibe amin'ny tontolo iainana, fiarahamonina, fahasalamana ary toekarena hiforona.



Mpanjifa afa-po mahandro sakafo amin'ny fatana maoderina mandoro akora fandrehitra madio firehitra, nandritra ny tetikasa andrana teto Madagasikara

Sehatra lasana

Ny PoA izay isintonana ny fanatanterahana ity VPA ity dia mandrakotra ny faritanin'i Madagasikara manontolo. Kanefa, ity tetikasa VPA voalohany ity dia hatao any amin'ny faritra Anosy. Ny hetsika voalohany dia nokasaina hatao amin'ny taona 2024.

Fanampiana amin'ny Fanatrarana ny Tanjon'ny Fampandrosoana Lovainjafy (ODD)

Ny VPA dia hanampy amin'ny fanatrarana ireto Tanjon'ny Fampandrosoana Lovainjafy (ODD) manaraka ireto :

1. Tsy misy Fahantrana
2. Tsy misy Hanoanana
7. Fitovian'ny Lahy sy ny Vavy
13. Fakàna fepetra amin'ny Fiovaovan'ny Toetr'andro

Anton'ny Fakàna Hevitra amin'ny Mpiara-miombon'antoka

Ny tanjon'ny dingana'ny fifampiresahana sy ny fakan-kevitra dia ny hampahafantatra sy ny hampandraisana anjara ireo mpiara-miombon'antoka voakasika sy liana, na olon-tsootra na fikambanana, ary hahafantarana ny fomba fijeriny sy hamahana izay mety ho ahiahiny. Tokony hampihena ny mety hisian'ny vokatry hafa tsy niriana ao amin'ny Tetikasa natolotra, no sady manome antoka fa ny fandaharan'asan'ny mpiara-miombon'antoka dia mamaritra ny tondro manandanja indrindra amin'ny fahombiazana ara-tsosialy, ara-toekarena ary ara-tontolo iainana. Ny fampiasana an'io dingana fampandraisana anjara ny rehetra io dia mampihena mety ho fanaovana ambanin-javatra ny fiantraika lehibe (ratsy na tsara), ary miantoka fa ny ahiahin'ny ankolafy rehetra dia voadinika tanteraka mandritra ny dingana famolavolana fandaharana. Ity dingana fampandraisana anjara ity dia ampahany amin'ny dingana FPIC (An-kalalahana, Nampahafantarina, Fanekena mialoha) ho an'ny tetikasa.

Ireo Dingana Miandry

1. **Miangavy anao hamaly ny fanasana mba hanamarina raha hanatrika ianao na tsia.**
2. Handefasa fitambarana fampahalalana ho anao izahay 7 andro mialoha ny fivoriana Fakàna ny Hevitra ny Mpiara-miombon'antoka farafahakeliny, miaraka amin'ny fampahalalana fanampiny momba ny Tetikasa ao anatin'izany :
 - a. Ny famintinana tsy ara-teknika momba ny endriky ny tetikasa, ny teknolojia, ny tanjona, ny faratakany, ny faharetany ary ny drafitra fampiharana (efa antenaina) ary ny mety ho fiantraikan'izany amin'ireo vondrona mpiara-miombon'antoka isan-karazany.
 - b. Ny famintinana ny fiantraikan'ny tetikasa ara-toekarena, ara-tsosialy ary ara-tontolo iainana miaraka amin'izay mety ho fantatra fa tsara, ary fiarovana amin'ny fiantraika ratsy ateraky ny Tetikasa.
 - c. Famintinana ny mety ho fandraisan'ny tetikasa anjara amin'ny fanatrarana ny Tanjon'ny Fampandrosoana Lovainjafy (ODD) sy
 - d. Ny fampahalalana hafa mifandraika amin'izany mba ahafahana mahazo ny endrika, ny fanatanterahana ary ny fandehan'ny tetikasa..
 - e. Ny fandaharam-potoan'ny fivoriana
 - f. Laharam-pifandraisana amin'ny solontenan'ny SaniTaps mba hahazoana fampahalalana fanampiny
 - g. Fomba sy fomba fiasa hanehoana hevitra mandritra ny dingana'ny fakan-kevitra miaraka amin'ny mpiara-miombon'antoka ary mitohy mandritra ny faharetan'ny Tetikasa.

3. Hotanterahina ny Fivoriana Fakana ny Hevitry ny Mpiara-miombon'antoka - izay fotoana hahafahan'ny Mpiara-miombon'antoka mametraka fanontaniana momba ny Tetikasa sy manome hevitra momba ny Tetikasa.
 4. Ny hevitra voaray nandritra ny 'fihodinana voalohany' avy amin'ny fivoriana sy izay fanehoan-kevitra omen'ny olona na fikambanana hafa tsy afaka manatrika ny fivoriana dia haravina ary ny SaniTap dia hamaly izany fanehoan-kevitra izany, ary hanaparitaka ny valin-teniny.
 5. Avy eo, ireo Mpiara-miombon'antoka dia hanana fahafahana haneho hevitra 'fihodinana faharoa' mandritra ny 30 andro manaraka - izany hoe fanehoan-kevitra momba ny valin-teny nomen'ny SaniTap ireo fanehoan-kevitra tamin'ny fihodinana voalohany.
 6. Aorian'io fotoana io, handefa ny Tatitry ny Fakàna ny Hevitry ny Mpiara-miombon'antoka mankany amin'ny Gold Standard ny SaniTap ary havoaka ao amin'ny Registr'i Gold Standard izany.
 7. Ireo Mpiara-miombon'antoka rehetra dia afaka manome valiny fanampiny amin'ny fotoana rehetra mandritra ny faharetan'ny Tetikasa manontolo, amin'ny alàlan'ny fanarahana ny dingan'ny fanehoan-kevitra sy ny fitarainana izay hatsangana mandritra ny fivoriana Fakàna ny Hevitry ny Mpiara-miombon'antoka.
-